

Uram, irgalmazz!

Raja jertisar, Raja jertisar,
Kristush graciari, Kristush graciari,
Raja jertisar, Raja jertisar.

Dicsőség

Luvudyipo ando uchipo le Devleske
haj pe phuv pacha le lashekamimaske manushenge.
Luvudyisaras tut, ishtyinas tut, rudyinas tut, asharas tut,
bax phenas tuke vash tyo baro luvudyipo, amaro Raj haj Del, cheresko Krajo,
sakoshajkerimasko Rajdel.
Raja, Jezush Kristo, jekh arakhadyalino Shavo, amaro Raj haj Del, Devlesko bakro,
le Dadesko Shavo, tu les e lumake bezexa, jertisar amenge; tu les e lumake bezexa, ashun
amare rudyipe.
Tu pe Dadeski chachi rig beshes, jertisar amenge. Ke korkores tu san o Sunto, tu san o Raj, tu
san o jekhutno Majopruno, Juzush Kristo, le Suntoduhosa kethane ando Daddevlesko
luvudyipo. Amen.

Hiszekegy

Patyav ando jekh Del, ando sakoshajkerimasko Dad,
ando cheresko haj phuvako Kerari:
Haj ando Jezush Kristo, ande Lesko jekh arakhadyalino Shavo, ande amaro Raj;
kon kathar o Suntoduhos xutyilivardiyilas, haj kathar e Vuzhi Maria arakhadyilas,
dukhardiyilas tal o Ponciush Pilatush,
tannardine les, mulas haj praxosardine les,
Telehurajlas ande telalutni luma,
po tritodyes opretrajisardiyilas mashkar le mulende; opregilas ando cheri,
kothe beshel pe sakoshajkerimasko Daddevleski chachi rig;
kothar aveltar te krisarel le zhuden haj le mulen.
Patyav ando Suntoduhos.
Patyav e Dakisuntoeklezia;
le suntongo kethanipo, le bezexengo jertisaripo,
le trupesko opretrajisaripo haj o sagutno trajo. Amen.

Szent vagy

Sunto san! Sunto san! Sunto san! Sokodimasko Raja Del.
Tyo luvudyipe andre pherel o cheri thaj e phuv, Hozhanna ando uchipo!
Baxtalos kon avel ande Rajesko anav. Hozhanna ando uchipo!

Mi Atyánk

Amaro Dad, kon ando cheri san, te suntisajvelpe tyo anav,
te aveltar tyiro them, te avel kade, sar tu kames
sar ando cheri, kade vi pej phuv.

Amare sakodyeseko manro de amenge adyes,
thaj jertisar amare bezexa,
sar vi ame jertisaras kodolenge, kon amenge bezexaren,
haj na inger amen ando nasulyipe, ba slobodisar amen kathar o nasul.

Isten Báránya

Devlesko Bakro Tu les e lumake bezexa, jertisar amenge!
Devlesko Bakro Tu les e lumake bezexa, jertisar amenge!
Devlesko Bakro Tu les e lumake bezexa, de amen e pacha!